


浙江通志

卷之三

漢書門			
二	三	五	二
九	〇	函	號
一	四	架	類
三	〇	冊	



內閣文庫			
二	三	漢	
九	〇	書	
二	函	類	
一	〇	冊	
〇	架		

內閣文庫			
番號	漢	2352	
冊數	120	(8)	
函號	292	48	



嘉興府志

勅修浙江通志卷十一

山川三

嘉興府

嘉興秀水二縣附郭

餅山

嘉靖浙江通志在府治東北高三丈相傳宋時

置酒務在此其罌缶所棄積久成山又嘉善縣南亦

有餅山

五臺山



名勝志在府治西北宋寶安禪師來自五臺

山躬運土石作山亦名五臺并建五臺院

范蠡湖

嘉興府志補在澄海門內范蠡橋西約周二

十畝湖水練絲甚白中產五色細螺昔范蠡泛舟五



湖從此發棹

朱彝尊鴛鴦湖權歌落花三月葬西施寂寞城隅范蠡祠水底盡傳螺五色湖

邊空挂網千絲

膳脂河

一名傾脂河

樵李詩繫在郡治西經楞嚴寺東北

折而過天寧寺前相傳西施傾脂水於此

錦帶河

嘉興府志補在府治西子城下以其環抱府

治名

韭溪

名勝志在府城內卽南湖之支流經府而達運

河至元嘉禾志考虞仲翔川瀆記云太湖東通長洲

松江水南通烏程霅溪水西通義興荆溪水北通晉

陵漏湖水東通嘉興韭溪水凡五通謂之五湖故嘉

興有韭溪焉

張堯同韭溪詩終與雙溪接分流入郭來市橋人影合不解洗塵埃

謹按晏公類要云川瀆記謂太湖東通嘉興韭溪水今運河西北接太湖則當是東南通韭溪耳

金魚池

樵李詩繫在郡西北唐刺史丁延贊養金鯽

於此

靈光井

樵李詩繫在郡城內精嚴寺本晉徐熙之別

業因夜發光捨爲寺成帝賜名靈光

嘉興縣城外山川

爰山

嘉興縣志在縣西南嘉會都金字圩

半屬本縣半屬

桐鄉

胥山

宏治嘉興府志在縣東二十七里一名張山右

有吳王磨劍石間窗括異志嘉興胥山高一十五丈

周二里舊經云伍子胥伐越經營於此朱彝尊周箕沈傅功秋日

登胥山聯句秋水日以駛輕船泛清澄流沿轉紆曲

權急黏菰菱仄峯尙阻樹近寺俄飛稜窅窅梵磬出

鱗鱗波雲興流目訝突兀賞心闕峻嶒舟維卧柳渡

道失寒瓜勝誰言崕嶼微曲磴緣百層碣殘蘇欲剝

祠古藤交緬懷大夫節千秋痛填膺覆楚豈大義

忠孝不兩能飲泣蘆中漁悲歌河上朋當其恥已雪

屬鏤非所矜慨此空山中遺跡猶可徵刃截兩白石

指點由孤僧其傍卧石劍霜花長侵凌皜如鋪練帶

亘若橫舟杆又如常山蛇首尾相為應觀其氣憤激

毋乃神式憑常想鞭荆尸壯士心摧崩至今祠下水

猶作胥江稱吾徒久于役遠攬岱與恒顧茲百里內

履齒游未曾故鄉洵足慕高興偶此乘寄言同心客

暇日期重登

謹按水經注云子胥死於吳吳人立祠江上名胥山

今杭州吳山名胥山又蘇州吳縣亦有胥山并此而

矣

澉湖宏治嘉興府志在縣南二里一名馬場湖橋李

詩繫宋志云濶五百丈深三丈北隣城壕東列塵市

其西則鴛湖也姚綬馬場湖詩初見菱葉稀漸見菱葉肥馬場湖水濶處處采菱歸

相家湖宏治嘉興府志在縣東北九里靜志居詩話

湖之南曰柳莊亦曰柳溪自號柳溪小隱又號相湖

漁隱懷悅游相湖詩雲滿銀壺酒色濃尋春不讓讓

西東波添鴨綠今朝雨花落猩紅此夜風一段好懷

凝野望萬家生意荷天工平沙淺渚都經遍吹笛滄

浪月滿空

雙溪宏治嘉興府志在縣東六里以其近漢魏塘故

名舟之達於松江者皆由此溪

梅溪 舊浙江通志在治南四十里溪傍村落多樹梅

故名

藕溪 嘉興府志補在縣東三十里正統初許職方父

號松泉植藕花於上名人多游泳焉

漢塘 宏治嘉興府志在縣東南十五里唐書地理志

海鹽注云面北六十里有漢塘太和七年開

詳見水利

橫塘 至元嘉禾志在縣南五里自南澉湖轉路馬塘

廟而上南至海鹽謂之橫塘劉文房詩云家在橫塘

曲是也

詳見水利

練塘 宏治嘉興府志在縣南二十五里東西通橫塘

長水塘吳王練兵之所

詳見水利

長水 嘉興縣志在縣南三里水自海寧諸山貫硤石

東北流五十里入嘉興縣界合於鴛鴦湖至元嘉禾

志始皇東游至長水聞土人謠曰水市出天子從此

過見人乘舟交易應其謠遂改爲由拳縣

馬塘涇 樵李詩繫在郡城南七里九域志云始皇至

此過水爲堰斬馬祭之

鶴渚 至元嘉禾志在縣南二里陸宣公舊宅放鶴之

處

謹按樵李詩繫云鶴洲在嘉興南三里唐裴休放鶴處考休本傳未常至禾中至元志作陸宣公爲確今

從之

鳳凰洲

橋李詩繫在郡東七里宋隆興元年有五色

鳥飲啄其上故名

秀水縣

城外山川

天星湖

吳地記嘉興縣東五里有天心池宏治嘉興

府志天星湖縣東北二里一名天心湖中水草不生

大旱不竭舊傳秦始皇發囚所掘

張堯同天心湖詩拍岸浮春綠菰蒲

四遠生網羅人不見魚鳥亦忘情

鴛鴦湖

名勝志在治南三里一名南湖其禽多鴛鴦

故名或云兩湖相接如鴛鴦然聞人滋南湖草堂記

南湖百有二十頃

薩天錫過秀州南湖詩三山雲海幾千里十幅蒲帆掛春水吳中過

客莫思家江南畫船如屋裏蘆葦短短穿碧沙船頭

鯉魚吹浪花吳姬蕩槳入城去細雨小寒生綠紗我

歌水調無人續江上月明吹紫竹春風一曲鷓鴣詞

花落鶯啼滿城綠胡奎南湖觀月詩團團三五月挂

在鴛鴦東方舟泛平流坐我青天中低頭看月月在

水倒影姮娥呼不起三更露下帶袍涼恍然濯足銀

河裏城南斗酒真珠紅與月共醉般人宮闈來月落

不知處張帆且趁清明風高巽志鴛湖秋月詩雙湖

偃長虹月出微瀾靜鼓柁獨沿洄流光蕩空影朱彝

尊鴛鴦湖擢歌二首沙頭宿鷺傍船栖柳外驚鳥隔

岸啼爲愛秋來好明月湖東不住住湖西宣公橋南

畫鼓搥酒船風幔玉鴉叉碧山銀棹勸郎醉擢入南

東郭湖

宏治嘉興府志一名冬瓜湖一名宋郭湖以

其在郡城東北故名東郭冬瓜者音之訛宋郭者字

之訛也春渚紀聞張祐子虔望有詩名求濟於嘉興裴宏慶署冬瓜堰官虔望不服曰祐子守冬

瓜已過分矣秀水縣志舊置堰其上以蓄西湖之水今開

堰置橋

幽湖 宏治嘉興府志在治西四十里支流環錯滙為

深源因以為名

秀水 橋李詩繫在郡城北麗橋東相傳水浮五色見

者獲慶亦稱繡水明析邑名因此張堯同秀水詩好景明於畫長浮五

色螺一竿吾欲釣來此聽漁歌

西溪 嘉興府圖記在郡西三里徐一夔西溪隱居記西溪在嘉禾郡城之

西溪流迴合滙而為涇貫而為港微波細漪皆潔妍可愛初郡之置以秀水名志稱秀水在北門外西溪

其支流也

爽溪 萬歷秀水縣志在縣西北濶可二丈其長縈紆

半里東通韭溪

穆溪 名勝志在城東北四里水接上谷湖入太湖中

多龍骨俗呼北運河

運河 秀水縣志在治西北四里舊志隋大業中開江

南河自京口至餘杭八百里以通龍舟

月河 嘉興府圖記在治北一里抱城灣曲如月亦名

月壕張堯同月壕詩入徑深於塢滄波近馬蹄每尋蓮社友咫尺走東西

青龍港 舊浙江通志在治南三里通海鹽塘

白龍潭 至元嘉禾志在治西南五里景德禪院前白龍穴於此故行舟飄溺居人作三塔埋舍利以鎮之
宋淳熙初歲大旱知縣李時習用南中攬龍法隨車霑霈歲果豐稔

螺潭 萬歷秀水縣志在縣南五里相傳有白色螺生其中

六百畝蕩 宏治嘉興府志在治東北二十九里廣袤約計六百畝

天荒蕩 宏治嘉興府志在縣東北思賢鄉南接許蕩西接毛頭菜花等蕩皆有菱芡之利

王江涇 名勝志在漕渠東相傳王氏江氏家於此亦名聞川宋聞人氏家焉 橋李詩繫宋武節將軍聞人宜扈蹕南遷定家於此元孫

恂為進義校尉死崖山之難嘉善縣

胥山 正德嘉善縣志在治西南十三里半屬嘉興縣 詳見嘉興縣

餅山 宏治嘉興府志在縣治南高七丈周二百餘步 陳鶴餅山詩餅山高閣帶草木陰翳宋置酒務於此 陳鶴餅山詩餅山高閣帶

日未迴青雀舫行雲先渡白牛涇

鶴湖 名勝志在縣西北三十里中多蓴菜蘆葦舊常



產鶴故名

麟湖

橋李詩繫在嘉善縣西十三里有東西兩湖界

接秀水

汾湖

宏治嘉興府志在縣西北三十六里又名分湖

以其半為吳江縣界故名

張堯同汾湖詩我是滄浪叟閒來繫釣艫如何一湖

水半秀半吳江

夏湖

橋李詩繫在嘉善治北三十里又曰夏墓蕩

魏塘河

嘉興府圖記在縣東十二里亦名武塘相傳

魏武帝常經此故名

文水

宏治嘉興府志在文廟後環繞黌宮

茜溪

名勝志在縣北一十二里其地常出茜草故名

松溪

正德嘉善縣志在思四都

張練塘

宏治嘉興府志在治北三十里按宋志云吳

王權造戰艦於青龍鎮遂張帆練兵於此

夏元吉過張練塘詩

塘名張練起何時試問村翁盡不知畫舫乘風搥鼓過落花飛絮漫相隨

平川

舊浙江通志在治北二十四里一名西塘又名

斜塘

蓮花涇

嘉善縣志在奉九北區

清風涇

嘉興府圖記在治東二十四里舊名白牛塘

相傳宋陳舜俞跨白犢往來處

王秀涇

宏治嘉興府志在治西北二十四里東有甌

塔

祥符蕩

橋李詩繫在嘉善北二十里受雙葑南尤北

尤并甕溪諸水達青浦界

查家蕩

橋李詩繫在嘉善縣北多荷花

高啟查家蕩詩秋老共溪

長游人笑語涼萍開天倒影蓮墜水浮香魚留和星澆禽置帶雨張從今搖桂棹不必問瀟湘

許巷蕩

嘉靖浙江通志在縣西北三十六里

詳見水利

淨池

橋李詩繫在嘉善汾湖之南有淨池蘆壚柳溪

諸水

楊維禎游淨池詩汾水南頭第幾灣淨池初曉鏡光寒漁舟晒網日將出酒肆招帘露未乾楊柳淡烟迷隔浦桃花新水湧前灘習

家回首今何在風物爭如此地看

幽瀾泉

六硯齋筆記在縣東武水北景德寺幽瀾井

顧孟時幽瀾泉井詩秀水東流入魏塘一泓誰鑿近禪房煮來茗椀清無滓分出花渠細有香

海鹽縣

秦駐山

至元嘉禾志在縣南一十八里樂資九州志

云縣有秦逕山秦始皇經此美人葬於此山下有美

人廟故名水經注云海鹽縣南有秦望山秦始皇登

以望海

彭紹賢秦駐山詩二首水淺蓬萊歲幾更凡夫那解馭風行空教海外留徐福一片荒山

浪得名翠蓋金支想像間昔時流水尚潺湲美人似念今祠廟死作山花不肯還

巫子山

朱葵尊鴛鴦湖權歌注秦駐山東海口有巫

子山

白塔山 至元嘉禾志在縣東南二十里山上有白塔

因名舊有港通魯浦名曰白塔潭海舟多泊焉
北戶錄唐

至德初徐正字凝於海鹽白塔山沙渚之上得一桃核片可貯米一升

望虞山 至元嘉禾志在縣東南二十二里舊經云隔

海可望會稽上虞縣因名

大步山 小步山 宏治嘉興府志俱在縣南二十里

陸墓山 澉水志在鎮西北五里因姓得名

石屋山 澉水志在鎮西北五里上有石壘成屋舊傳

黃巢時民避兵處

青山 宏治嘉興府志在縣西南三十五里宋志澉浦

鎮之主山也山上置烽堠

長牆山 海鹽縣圖經在縣南三十五里澉水志秦始

皇東遊登以望海以其孤聳望如堵牆故名

石帆山 宏治海鹽縣志在縣西南三十餘里海中澉

水志在靈潭右聳若帆挂

葫蘆山 名勝志其山浸在海中潮汐消長如葫蘆出

沒故名語云潮生潮退葫蘆自若其下有葫蘆寨

荆山 海鹽縣圖經在治西南四十五里澉水志荆山

占永安湖之勝下有悟空寺

雞籠山 海鹽縣圖經在縣西南六十里澉水續志地

名徐灣俗傳有金雞見故名

鹿山 海鹽縣圖經在治西南四十五里 澈水續志山

在中湖塘西與譚山相連

鷹窠頂山 海鹽縣圖經在治南三十里 明一統志石

帆之東有鷹窠頂山一名南陽山 貝瓊游鷹窠山記距黃灣二十里大

山嶄然中高旁殺巨海 雲岫菴志 山有九曲逕獅頭

巖絕頂可望日出 朱彝尊駕鴛鴦湖櫂歌注鷹窠頂在澈浦山椒每十月朔見日月並出

海中貝瓊九日遊鷹窠山詩忽忽已九日出門淨無泥地偏實斗絕有山如會稽賓客後雜選僕夫各有

攜天風海上來我馬驕且嘶陂陀出險徑窈窕遵迴溪前登郊家嶺始覺華蓋低作者四五人更托千層

栖日午扣其戶不愁蒼耳迷欲俯栖鶻巢上凌萬丈梯豈但畏猛虎彷彿聞天雞共燕修竹林落日猶在

西相看且一笑四郊多鼓鼙錢籥游鷹窠頂山詩孤峯倚天碧側徑入蒼烟蠟屐還今日題詩自昔年磴

雲生古木溜響落寒泉極目滄溟外蓬瀛一點烟

金牛山 至元嘉禾志在縣西南五十里按九州要記

古有金牛入山臯伯通兄弟鑿山取牛山圯二人同

死穴中又名會骸山

紫雲山 宏治嘉興府志在縣西南三十六里 唐德宗

時有村女出耕紫雲覆其上朝廷聞之詔入官因名

橋李詩繫山在澈浦有天咫峰星晶石弄月臺枕流

巖諸勝

茶磨山 海鹽縣圖經在縣西南三十七里 山在黃巢

衙側山下周廻有港港外周廻有塹昔人避兵結砦處

金粟山 至元嘉禾志在縣西南三十五里山周廻六

里一名六里山按吳地志有石篆書三十八字天冊

元年刻碑海鹽縣圖經上有秦皇劍池

王守仁金粟山詩金粟峯

頭縱遠觀山雲不動萬松寒飛崖瀉碧雨初歇古澗流紅春欲闌佛地移來龍窟小僧房高借鵲巢寬飄

然悟却離塵想一笑天風振羽翰

夾山 嘉興府圖記在縣南三十五里在金粟金牛兩山之間故名

鳳凰山 海鹽縣圖經在治西南三十九里吳家山側

形似鳳之展翅弘治嘉興府志鳳凰與寶家山小山

澤山颺山相近俱列峙於澉浦鎮之西南

月山 宏治海鹽縣志在縣西南四十五里與小山相

接去澉浦鎮西三里在鎮南五里曰葛母山在鎮東

六里曰篠山

泊櫓山 澉水志在鎮西三里高冠諸山輿地志始皇

渡海泊櫓此山因名

礪頭門山 一名廟山海鹽縣圖經在縣西南四十五里山

上有礪王廟

石馬山 一名隱馬山澉水續志山與礪頭門山相連宋時

官給亭戶煎鹽之所至今謂之官山

碧里山

海鹽縣圖經在縣西南四十五里

豐山

嘉興府圖記在治西南十八里上有石屋三所

舊傳秦始皇屯兵於此東南有九母塚

橫山

至元嘉禾志在縣西南三十里顧況所居

李良年看

新漲至橫山詩十有二句河圻底宵添文水一溪渾了無沙翳眠鷗處忽見楓根繫纜痕野老桑田元近海詩人苗裔尙成村斲來未抵誅茅得日看雙峯翠挿門

九杞山

澈水續志在永安湖子丑之位舊名杜家灣

九杞翁許相卿買之置杜曲岡雲濤莊因以名山

大旗山

海鹽縣圖經在澈浦西八里相傳劉裕勝孫

恩於此

谷水

海鹽縣圖經谷水出吳小湖逕由拳縣故城下

神異傳曰由拳縣秦時長水縣也始皇時淪陷爲谷

因日長水城水曰谷水也谷水又東南逕嘉興縣城

西谷水又東南逕鹽官縣故城南九州志云谷水之

右有馬羣城故司鹽都尉城吳王濞煮海爲鹽於此

秦於其地置海鹽縣故武原鄉也又谷水由縣出爲

澈浦以通巨海

梁元帝元覽賦時度谷水之陽尙想嘉禾之方杜慶亭於吳后雄橋李於

越

謹按貝瓊云硤石兩山天目分流正出其中卽谷水也陸機云三泖冬溫夏涼谷水在其北大抵自海昌

襟帶嘉禾數邑一水
異名以達於御耳

賁湖 海鹽縣圖經在縣西三十五里俗名宋坡湖

橫湖 海鹽縣圖經在縣西三十五里周六里徐泰志

瓊城西有莊柴湖卽此

鷓鴣湖 海鹽縣圖經在治西南四十里周四十餘里

上有黃道神廟俗稱黃道湖

永安湖 一名澉湖 海鹽縣圖經在澉浦鎮西六里至元嘉

禾志 本田濬爲湖以蓄洩澉水志湖上四圍皆山號

小西湖 徐泰秋夜澉湖望月詩澉湖湖上桂花秋海
月當年滿畫樓彷彿錢塘六橋夜至今人說

小杭

天仙湖 樂郊私語在城西十里湖旁相傳有徐彎故

居彎得道後以委蛻仙去故以名湖

秦溪 至元嘉禾志在縣西南三十六里通豐水港接

運河旁有法喜寺鐫秦溪二字於石 朱一詩是秦溪詩
秦溪斜日射秋

嶺幾個閒鷗自作隣沙斷柳
深漁路狹野橋西去竟無人

古涇 橋李詩繫海鹽有古涇三百一所在縣西境唐

令李諤開以禦水旱 樊維城古涇詩古涇通幽際桑
條拂水湄雞鳴聞里社婦饁祝

田祠撫字慚無術催科復有
期常來肥稼坐馴雉愧芳規

橫浦 至元嘉禾志在縣東二里東北通故邑西通賁

湖南入海

藍田浦

海鹽縣圖經在縣南三里浦上有藍田廟宋

咸平六年知縣魯宗道重開白塔港入運河以灌民

田又名魯公浦

鮑郎浦

澈水志在鎮西北十二里昔鹽場開基於此

後沙漲移入東浦紹興界為田是浦接連招寶塘為

河

澈浦

嘉靖浙江通志在縣南三十六里澈水志澈浦

古越地吳越錢氏置秀州始分隸又水經云東南有

秦望山旁有谷水流出為澈浦宏治嘉興府志明洪

武中築城浦上

白洋河

海鹽縣圖經在縣東沿海塘下

詳見水利

橫塘

橋李詩繫在海鹽西北四十里即常豐閘通郡

之南湖

何昌弼海鹽橫塘道中詩一舸凌風去縈紆度幾村水清魚引子地美稻生孫路僻塵埃

遠秋晴枕席溫悠悠迷處所疑入武陵源

孟姥泉

海鹽縣圖經鹿山之麓自鷹窠頂來山厚源

深故有瀑布如疋練

海

海鹽縣圖經在縣東半里南四十里與明越二州

相對往往深夜籟寂雞犬之聲相聞海濱舊有岡十

八條為潮汐之限漂蕩日久今皆為魚龍之宮無復

存矣

平湖縣

雅山 海鹽縣圖經在縣東北三十六里今析屬平湖

至元嘉禾志山多怪石俗呼為惹山地中得磚記云

雅山

陸錫永春初登雅山詩百尺荒荒伏海隈西陲孤處亦崔嵬雷當怪石峯頭住水趁田家犀角

來萬竈嵯烟春雨霽桴魚浪夕陽回窮崖不似秦游勝却少前朝戰伐灾

故邑山

天啟平湖縣志在縣東二十七里山下有城

唐志云海鹽舊縣治漢順帝時陷為湖移置此山下

後為故邑巡檢司

祐山

舊浙江通志在縣東南二十里舊有秦小娘祠

晉人也

苦竹山

乍浦九山補志在縣東南二十九里去乍城

二里麓有磐石當潮之衝防汛船泊其旁

湯山

嘉靖浙江通志在縣東北三十里宋海鹽令李

直養置叢冢於山

觀山

乍浦九山補志在縣東南二十八里高四十丈

周四里一名官山

陳山

閒窗括異志在縣東北四十里高八十一丈周

圍二十五里有白龍湫顯濟敷澤龍王廟山頂有龍

穴深不數尺春夏不涸百姓遇旱則禱於穴雨即滂

沛又有龍母塚在焉每歲七月多風雨人謂龍洗墓

云王端登陳山詩羣峰不敢浪爭雄滿目烟雲兩腋風呼吸有靈通帝座徘徊何處問龍宮黃盤浪外孤帆遠秦駐山西落照紅便欲乘槎浮海去漫勞長劍倚崆峒

獨山 天啟平湖縣志在縣東北三十里孤峰嶒嶸若

遺世而獨立者上置烽堠以防海寇舊置鹽場於此

蒲山 天啟平湖縣志在縣東南三十里與萊薺山俱

瀕於海

鬪牛山 天啟平湖縣志在海中對獨山水族所聚時

見蜃氣多可怪狀

暈頂山 乍浦九山補志在高宮山南高二十丈頂甚

平

高宮山 乍浦九山補志高八十丈周八里秀削異於

諸山在陳山東

龍尾山 乍浦九山補志以形似名在高宮山之西馬

鞍山之北

益山 乍浦九山補志高二十丈周四里秀出羣壠

當湖 一名鸚鵡湖 樵李詩繫鸚鵡湖即當湖在縣東三百

步吳地記云隆安五年改東武湖俗呼東湖元末於

金山海濱得一碑曰鸚鵡洲界又名小瀛洲今建塔

於其上水有九派東南通故邑西南近海鹽東則廣

陳北則華亭舟楫便利為一邑之勝後漢書郡國志

注案今計偕簿海鹽縣故治順帝時陷而為湖今為

當湖大旱湖竭城郭之處可識宏治嘉興府志縣東

志王莽改海鹽縣為展武縣順帝時陷為湖亢旱水

涸彷彿見其街陌金玉當湖秋霽詩海風吹雨過船

頭雲淨波光映素秋百里秦山當落日千年霍廟立

孤洲蘼葭霜後依漁屋鴻雁風高起權謳相送使君

人載酒醉歌白苧不勝愁林光泛當湖詩開持一杯

酒移艇傍疎竹白鳥忽飛來湖田雨初足烟火幾漁

家湖邊夾疎樹扁舟三五人生入秋天暮

乍浦宏治嘉興府志在治東南三十里舊有官河入

海元至正間番船皆萃於此明洪武中築城浦上以

備禦焉

國朝額設乍浦水師雍正七年增設都統駐防實為海口

重鎮

蘆瀝浦宏治嘉興府志在縣東北二十六里浦有鹽

場

東泖宏治嘉興府志在治東北三十里按祥符圖經

谷泖南出泖橋東南至廣陳由廣陳西至當湖由當

湖東南至捍海塘而止

聯珠池舊浙江通志在學宮東北三池相聯

山月池朱彝尊鴛鴦湖櫂歌注在平湖德藏寺

海舊浙江通志在治東南三十里

龜山 萬歷崇德縣志在沙渚塘東二十里其形如龜
故名舊志云山北有晉尚書李孟之宅

陳山 名勝志在積善鄉高十三丈周一里昔有陳氏
居此積土為之

舍山 嘉興府圖記在陳山西北六里嘉湖兩府界中
若舍物然又四水涵之亦名涵山石門縣志縣西北三十六里山上有浮圖山外有龍潭五河涇水出其下

桂山 嘉靖浙江通志在明倫堂後高五丈上多植桂

天中山 石門縣志在福嚴禪院後高二丈許竹木蒼
蔚有亭獨峙可恣遠覽

走馬岡 朱彝尊鴛鴦湖權歌注在石門永新鄉地有
官窰相傳吳越分疆處嘉興府圖記高阜如山吳王

走馬處也朱彝尊鴛鴦湖權歌走馬岡長夕照中塘連沙渚路西東不知吳會誰分地生遍菜

黃一色紅
語兒溪 石門縣志在縣東南一名語兒中涇又名沙
渚塘吳越時為吳棲兵之地太平寰宇記按吳越分

境越國西北置禦兒與吳分界通典注云在嘉興縣
南有地名禦兒國語曰吾用禦兒臨之今俗作語字

至元嘉禾志禦兒之名見左傳國語吳越春秋等書皆然逮西漢則易為語表又作藥字後人疑之因附會其說竊意漢人以其名言之匪順類曾子回車之嫌故取其音之相近者易之耳徐凝語兒見新月詩

幾處天邊見新月經過草市憶西施
娟娟水宿初三夜曾伴愁蛾到語兒
謹按語兒之名當以樂史徐碩所述為正若朱長文
續吳郡圖經云范蠡獻西施於吳道中生子至此能
語蓋祖陸廣微吳地記之言不足信
也徐凝詩亦承其訛故附辨於此

車溪 嘉靖浙江通志在縣東北三十六里南北相距
二十餘里流入太湖

石門灣 萬歷崇德縣志在縣北十八里運河水北流
東折其形如帶又名玉灣

清池 石門縣志在城西二里昔有龍潛於此其水澄
冽歷旱澇如故

含山泉 石門縣志在含山下滃然以清絕似安平白
沙諸水雖旱澇不盈涸

洪河 檣李詩繫在縣北千乘鄉正德間洪令異開民
稱洪河詳見水利

桐鄉縣

爰山 舊浙江通志在縣東南三十五里宏治嘉興府
志昔道士爰基隱居學道尸解於此故名山有兩峰

東峰號史山

貝瓊游爰山記禦兒地四平無山其東北六十里有小山曰爰山山由爰道人

得名爰山之東曰史山陳君仲謀約予遊春三月丁酉天氣澄穆帥陳熊陳魯兩生泊于子翺由大溪北折而東度陌越阡至爰山之趾居入四五家皆棘樊荆扉雞犬相應彷彿桃源中而里之巨族卜氏有冢在山半冢後得支徑而上高下稚松萬株環合無路俯首松下偃僂行而雲氣相盪不啻魚泳波濤中山

回路盡有石巖然壁立者卽及道人尸解處其巔有小石突怒土中類逆筍者有盤互類木走長根者已而復東其塗漸平有公主墓宋孝宗女葬此又行至東山則所謂史山者視及山稍卑上建神官祠人至而禱者前後相屬予亦倦而休焉兩山之中求其奇峯之環拱瀑布之噴薄如天台赤城無有也然予意在適耳意之所適亦何異夫赤城天姥哉

甌山 名勝志在縣北一十七里山形如甌

東山 桐鄉縣志在縣東三里許高五丈廣十餘畝

王家山 嘉興府圖記在募化鄉高十五丈周三百步有王氏家此聚土成之

胭脂滙 嘉興府圖記在濮院鎮蘇平胭脂滙詩西子曾經此地過調脂弄

粉染雙蛾乍辭越國山應遠望入吳山路不多春滿玉容初罷鏡香生羅襪欲凌波古來尤物能傾國鹿

走姑蘇奈爾句

車溪 桐鄉縣志在清風鄉自阜林堰抵青鎮南北二

十里兩岸腴田車戽不絕故名互見石門縣

湖溪 嘉興府圖記在永新鄉北受車溪及湖州諸水

下平望達於吳江

芙蓉浦 橋李詩繫在桐鄉北二十五里

鮑涇 舊浙江通志在及山南鮑學士宅在涇之上

永新涇 宏治嘉興府志在縣東北一十七里

梧桐涇 橋李詩繫舊屬郡境後析桐鄉縣名因之在

邑之東卽濮川所通處也五代時鳳鳴其樹程本立梧桐涇

詩梧桐蔭清溪溪水波粼粼上有五色鳥下有黃金
 鱗秋雨洗白石春風生綠蘋願學羊裘子時來垂釣
 綸李蕃梧桐溼詩萬年禹鑿東連海百折清流
 曲抱村風浪不驚魚鳥靜桐花開到邑侯門

勅修浙江通志卷十二

山川

湖州府

烏程歸安二縣附郭

苕溪

太平寰宇記在烏程縣南五十步大溪是也以

其兩岬多生盧葦故曰苕溪宏治湖州府志在城西

其源有二一發自天目山之陰金石鄉東至安吉縣

治南之邵渡又北至邱渡一發自獨松嶺西聚衆山

之水并浮玉山水折旋亦至邱渡二源合而至於郡

城之西一流入清源門內至江子漚為雪水一流從

清源門外徑趨釣魚灣沿濠至臨湖門外合雪水入

於太湖

戴表元茗溪詩六月茗溪路人看似若耶漁
簪挂棕樹酒舫出荷花碧水千盞共青山一

道斜人間無限
事不厭是桑麻

餘不溪

〔宏治湖州府志〕出天目山之陽經臨安縣又

經餘杭縣至安溪奉口經德清縣折而東北至敢山

過菱湖及湖跌漾又西北會前溪水至峴山漾入定

安門至江子匯為茗溪

前溪

〔宏治湖州府志〕在武康縣南出銅峴山東流四

十九里至武康縣前千秋橋名前溪一名餘英溪按

山餘英志云春夏之交夾嶰花開落英滿溪故也其匯

東至縣學前分為二派其一北流經黃隴山之東至

沙村號沙溪與德清縣北流水合入郡之定安門經

前溪匯為霅溪其一東流經下渚湖之南會於餘不

溪武康縣後又有一溪亦出自銅峴山謂之後溪

北流水

〔宏治湖州府志〕在德清縣前其水從餘不溪

至縣東分派折入清河橋下北流不沙村與武康前

溪水合又北至峴山漾與餘不溪合入定安門至江

子匯為霅溪

霅溪

〔太平寰宇記〕在烏程縣東南一里凡四水合為

一溪自浮玉山曰茗溪自銅峴山曰前溪自天目山

曰餘不溪自德清縣前北流至州南興國寺前曰霅

溪東北流四十里合太湖顧長生三吳土地記云有

雪溪水至深者徐陵孝義寺碑云清雪瀾瀾深窮地

根按字書云雪者四水激射之聲也與地紀勝自清源門入曰苕溪

其流濁自定安門入曰雪溪其流清宏治湖州府志

即定安門內江子滙是也其源從南來者曰餘不溪

日前溪曰北流水三水會於峴山漾而入定安門從

西來者曰苕溪自清源門而入四水總聚於江子滙

雪然有聲故謂之雪溪又謂之雪川梅堯臣游雪溪

詩共愛雪溪風物美春來清可鑑鬚眉蘋生楚客將

歸日花暖吳蠶始浴時臨水竹樓通市陌跨橋雲屋

接川湄畫船載酒期君醉已無謀任翦夷秦觀雪

上感懷詩七年三過白蘋洲長與諸豪載酒遊舊事

欲尋何處問雨荷風蓼不勝秋周紫芝苕雪舟中詩

雲暗千家雨寒生兩岍秋水翻波入戶人覩玉明樓

山色遮愁眼荷香滿客舟水晶宮裏客還作此生遊

白蘋洲 太平寰宇記在雪溪之東南去州一里梁太

守柳惲詩云汀洲採白蘋日暮江南春因以為名

漕瀆 萬歷湖州府志即儀鳳橋下水晉咸和中都督

郗鑿開 太平寰宇記在雪溪西南岍梁時有蘇氏女

貴溪浦 於此遇一道士曰汝後大貴三年當有徵蘇氏後適

章氏生陳高祖宣后高祖即位拜后母為安吉縣君

因名

蘇公潭 太平寰宇記從貴溪東流三百五十步至駱

駝橋下曰蘇公潭此水深不可測中有蛟螭代為人

患唐開元初許國公蘇瓌子頰為烏程縣尉郡守命

督縣事因誤墜此直至潭底聞水中有人語曰扶尙書出遂冉冉至水上畧無損溺有記見在

芙蓉池

宏治湖州府志在郡城白蘋洲楊漢公所開

池中有千葉蓮

烏程侯井

萬歷湖州府志在府西吳孫皓為侯時所鑿

鑿

烏程縣城外山川

峴山

宏治湖州府志在縣南五里舊志云本名顯山

唐以廟諱改焉上有李適之石樽山頂有塔今廢惟

峴山寺僧宗義立菴居於其巔幽絕可愛萬歷湖州

府志山之首見者曰峴茲山首見於郭南厥名允協

上有三賢祠祀顏真卿蘇軾王十朋

蘇軾游峴山詩

鱗鳴頭青吳興勝襄陽萬瓦浮青冥我非羊叔子媿此峴山亭悲傷意所同歲月如流星湛輩何足道當以德自銘鄭明選峴山宴陳太常詩七月峴山天氣涼風高乍雨湖茫茫輕舟出浪若飛馬巨石滿岡如聚羊斗酒未覺主人薄高歌正宜秋日長窪樽遺跡至今在不見昔賢空斷腸

道場山

宏治湖州府志在縣南十二里昔如訥和尚

經此山遂畱建寺山頂有塔下有伏虎巖瑤席池其

山峰巒秀鬱水石森爽殊為吳興佳絕古今遊覽者

皆萃焉

朱彧可談湖州道場山有老僧言山在州南離方文筆山也低於他州故未有魁天下者

乃丐緣即山背建浮屠望之如卓一筆既成語州人日三十年出狀元後大觀賈安宅政和莫儔相繼為

廷試魁蘇軾游道場山何山詩道場山頂何山麓上
徹雲峯下幽谷我從山水窟中來尚愛此山看不足
陂湖行盡白漫漫青山忽作龍蛇蟠山高無風松自
響誤認石齒號驚湍僧不放山泉出屋底清池照
瑤席塔前合抱香入雲戶裏仙人親手植出山回望
翠雲鬢碧瓦朱甍縹緲間白水田頭問行路小溪深
處是何山高入讀書夜達旦至今山鶴鳴夜半我今
廢學不歸山山中對酒空三嘆仇遠游道場山詩山
行龜背踏羊腸伏虎禪師古道場老木陰中安御座
白雲堆裏撫僧床勺泉清徹涵秋味尖塔孤撐界夕
陽笑月亭空人影散
松風和雨動天簧

錢山 烏程縣志在縣南十四里從衡山北出為錢山

黃潛登錢山望菰城詩吳興水為州諸山若浮萍况
此一培塿瑣屑世未名所欣漁樵居乃與緇錫并種
竹有萬竿結茅無十楹老僧解人意縱履能相迎芳
草被行徑朱藤按巖局蕭條空塔暮日照莓苔青猶
嫌所歷卑未極遊眺情聳身白雲上始見春申城想
當高會時樓觀飛青冥竭海薦壘勺窮山羞鼎鉶安

知千載後寂寞無人行煌煌冠蓋區攘攘狐兔瑩歸來朱門客聽此松風聲

車蓋山 吳興掌故在縣南七里形如車蓋

金蓋山 太平寰宇記在縣南十里晉何楷居此修儒

業後為吳興太守改山為何山宏治湖州府志山與道場相接最為郡中

諸山之勝遊者必以二山為甲然道場之勝在山巔
何山之勝在山下故東坡詩有道場山頂何山麓之
句登懷錄汪藻何氏書堂記云游道場者如入王侯
之家其隆樓傑閣足以吞光景而納江湖已而過何
山則草樹葱蒨軒窗窈窕經行之地皆雅潔幽深如
造高人隱士之廬至者忘歸不知雄盛移而為清勝
也石柱記箋釋何山與道場連接為北一支金蓋山
是南一支汪藻記云東有道場西有何山金蓋固在
道場之東南自不容混宇文公諒何山賦環蒼陽之
諸山蔚金蓋兮深秀綠靡靡兮旁圍青遙遙而橫袤
擅奇勝於覽觀紛應接於左右晉賢何楷於焉讀書
爰守是邦以游以娛山因之以得姓人已往而遺居

是猶墩之有謝溪之有冉者乎觀其修林蔽日羣峭
 摩天表金峯以前拱擁青塢而旁連步錦障兮雲麓
 聆琴筑兮澗泉是雖地設實出天然靈祇獻瑞梵宇
 扁禪閣流丹兮鳳翥瓦浮碧兮鴛聯華鯨鯉以響逸
 清磬發而聲圓挂元猿於蘿磴栖白鶴於松烟若乃
 峯迴路轉繡錯綺縮道場之勝境實相屬仰徹兮雲
 峯俯窺兮幽谷羅幡幢兮杳靄酌檐鈴兮斷續巖花
 紛紛紅澗草兮駭綠信造化之鍾秀實吳興之所獨
 蘇舜欽游雪上何山詩今古何山是勝遊亂峯縈轉
 繞滄洲雲舍老樹明還滅石礙飛泉咽復流偏嶺烟
 霞迷俗客一溪風雨送歸舟自嗟塵土先衰老底事
 孤僧亦白頭仇遠何山詩溪轉峯迴一徑平田頭白
 水照人清寺因何氏封山姓客把坡詩證地名蘿月
 常隨行道影杉風猶帶讀書聲雲津橋下潺湲急僧
 濯袈裟
 客濯纓

軻山 吳興掌故在縣南十四里金蓋北出小支金蓋

如車而軻附其旁也

衡山 左傳楚子重伐吳克鳩茲至於衡山杜預注曰

在烏程南衡古橫字通用

吳越春秋壽夢十六年楚恭王怨吳為巫臣伐之也

乃舉兵伐吳至衡山而還石柱記箋釋吳興志一名橫山在縣南

一十八里兩山夾峙中流北駛為郡南形勝之地

鮑山 萬歷湖州府志在縣南九里

黃蘗山 太平寰宇記在縣西南三十五里

葛仙山 萬歷湖州府志在縣南五十里職方圖志云

葛洪煉丹處天下十有三烏程居其一

菁山 黃潛菁山普明寺記由湖郡城南渡溪舟行四

十五里登陸又二里許是為菁山泉清水深峰巒峭

拔巖壑鬱紆最爲勝處名勝志其上生黃菁故名

張

菁山石梯閣夜坐詩每逢晦日驚春盡爲俯高窗對夜分獨鶴夢酬西崦樹老僧定入上方雲泉聲落澗空中辨花氣穿林暗裏聞莫道暫時惡愛賞移家終擬避塵氛

吳嘒山 晏公類要在縣西南六十六里吳興記曰嘒

燒山爲出故名

太平山 烏程縣志在縣西南五十一里

馬鞍山 萬歷湖州府志在縣西南七十里與武康接

界

銅山 萬歷湖州府志在縣西南九十五里一名銅峴

山吳採鄣山之銅於此西隸安吉南武康

莫干山 嘉靖浙江通志在縣西南一百五十里上有

鑄劍池水常清澈旁有磨劍石世傳吳王鑄劍於此

取莫邪干將之義以名

棲賢山 萬歷湖州府志在縣西二十二里舊傳有高

士曾隱此

西塞山 經鋤堂雜志吳興南門二十餘里下菰菁山

之間一帶遠山爲西塞山山明水秀真是絕境

皮日休西

塞山詩白綸巾下髮如絲靜倚楓根坐釣磯中婦桑村挑葉去小兒沙市賣蓑歸雨來蓴菜流船滑春後鱸魚墜釣肥西塞山前終日客隔波相羨盡依依

杼山 名勝志杼山高三百尺週一千二百步陸羽記

云夏后杼巡狩之所亦名稽留山僧皎然有杼山禪居寄吳處士筠詩

九乳山 晏公類要在縣西南三十里張元之山墟名

云山有九峯狀如乳

石城山 太平寰宇記在縣西南三十里張元之吳興

山墟名云昔烏程豪族嚴白虎於山下壘石為城與

呂蒙戰所今山上弩臺烽火樓之跡猶在

夾山 名勝志在縣城西南十里下有夾山漾

小敷山 吳興掌故在縣西南二十里談志名福山唐

人沈下賢亞之居此戴表元小敷山記敷山匝於吳興十有餘里山中卷外截水磬

折行平原茂樾間左右之徐山杼山挾敷山而蹲敷山之前蒼峭再連圭起篋伏望而知為美壤也

謹按唐杜牧弔沈亞之詩一夕小敷山下夢水如環珮月如襟即此

法華山 石柱記箋釋吳興志太平寰宇記謂之石斗

山王羲之所游處梁尼道蹟號總持得法於達摩畫

夜誦法華經後歸寂即葬其處蘇軾游法華山詩具區吞滅三州界浩浩

湯湯納千派從來不着萬斛船一葦漁舟恣奔快仙壇古洞不可到空聽餘瀾鳴澎湃今朝偶上法華巔

縱觀始覺人寰隘山頭卧榻弔古塚下有至人僵不壞空餘白棘網秋蟲無復青蓮出幽怪我來徒倚長

松下欲掘茯苓親洗曬聞道山中富奇藥往往雲芝雜葵薤詩人空腹待黃精生事只有長柄械今年大

熟期一飽食葉微蟲真癩疥白花半落紫穉香攘臂欲助磨鎌鍛安得山泉變春酒與子一洗尋常債

白鶴山 太平寰宇記在縣西北二十六里山謙之吳

興記云昔烏程人姚紆化為白鶴游於此山因名宏治

湖州府志吳興記云山石精好可為碑版江東記云員邱山石精好不讓吳興即此也吳中白鶴山詩吳興多名山茲峯特奇秀不知自開闢陰陽幾昏晝云有赤髯僧官棲刻蓮漏香臺儼有在禪室已新構松下伏神龜竹間走飢飈白鶴不受招仙踪亮難究伊昔屢登臨空翠濕衣袖窮摻不知疲幽討寧嫌迓巖扉與澗戶一一為重叩和詩寄山靈餘生敢多又

西陵山 吳興掌故在縣北二十一里吳太子和葬此

子皓繼統追尊文皇帝陵曰明陵以其在西名西陵

仁王山 名勝志在縣西北九里一名鳳皇山其南一

小山曰礪山

溫山 萬歷湖州府志在縣西北三十里山出御苑

卞山 宏治湖州府志在縣西北十八里高六千尺周

處風俗記曰卞山當作冠弁之弁以山形似弁也唐

顏真卿石柱記韋明敬登卞山詩皆作卞字其山西

北屬長興縣山有黃龍洞石壁峭立巖竇陰沈莫窮

其底旁有黃龍祠祥應宮郡有水旱禱焉蘇東坡有

詩刻又有三賢祠其沈家洞避洞亦在焉 互見長興太平寰宇

記郡國志作卞和採玉處非也周處風俗記云當作冠弁之弁徐陵孝義寺碑云高弁蒼蒼遙聞天語雲林石譜弁山在郡最為齒翠產石奇巧羅布山間葉少蘊蓋堂以就其景故號石林范成大與吳興薛士隆使君游弁山石林先生故居詩白蘋有嘉招蒼弁得勝踐會心不憚遠乘興恐失便籃輿犯窮臘共作忍寒面溟濛雲釀雪浩蕩風落雁松篁漸清幽猿鶴或悲怨英英文章公作舍鎖葱蒨曉峯俯前榮佳木秀諸院窮搜發山骨林立侍談讌西巖踞熊虎東巖峙屏案履綦故彷彿蓋瓦已零亂經營三十年成毀

一飛電摩抄土花碧小立為三嘆趙孟頫游弁山詩
我欲到斯境歲月良已深今晨為茲游酬我夙昔心
悠悠岡阪長慘慘風雲陰微雨迫短日飄然灑衣襟
屢欲還吾駕去意復難任消搖得所止林竹自蕭森
素琴不須彈山水有清音邈在樊籠外塵想何由侵
况懷冥絕理出此將焉尋他山豈不好聊爾非所欽

玲瓏山

癸辛雜識在卞山之陰嵌空奇峻畧如錢塘

之南屏及靈隱之薌林有洞曰歸雲張謙中有篆書

於石梁澗三尺許橫繞兩石間名定心石旁有杜牧

之題云前湖州府刺史杜牧大中五年八月八日來

又紹興癸卯葛曾卿林彥政劉無言莫彥平葉少蘊

題名

石柱記箋釋石林在卞山之陽宋葉少蘊之所
居卽玲瓏山沈與求遊玲瓏山因訪朱氏草堂

詩平生邱壑心餘事不掛目藜杖南山來要使富幽
矚異哉小玲瓏蟠峙蒼弁腹修藤結懸崖飛溜響空

曲伏石卧虎狀騰拳雜奔鹿呀然牙吞吐側路劣容

足拂拭古蘇紋字刻巖新綠標榜玲瓏名奇怪始天

屬把蘿上絕頂坦坦若平陸俯首瞰來蹤穹然在幽

谷傳聞昔通客誅茅此營屋清魂不可招千載想遺

躅我思造物巧妙供游人錄揮斥役山祇斷此一拳

玉雲窗與霧閣一六相互屬豈無部曲衆猿鶴卽更

僕豈無節旄貴松檜自張纛此事久棄置蛛絲網巖

麓翩翩翮佳公子心古韵不俗駕言脫華簪茲焉卜幽

築終日面嶺屹世故豈容觸指點空洞姿喜氣政堪

掬挾杖校昔遊健步念須續亦有招隱詩薄暮不可

讀章良能游玲瓏山詩短鍾長鏡出萬峯鑿開混
池作玲瓏市朝可是無崎嶇更向山林巧用工

賽玲瓏山

崇禎烏程縣志去玲瓏五里有三石竅可

西進入者以燈行一二里卽返洞中有泉滴下懸崖繡

壁亦奇觀也沈氏挾剔為之因名沈家洞

蜀山

吳興掌故在縣東十里

高啟送徐貴蜀山幽居
詩我因解屨遠辭京君

為修琴暫入城偶爾相逢春酒熟飄然忽去暮烟生
山頭學笑猶聞響世上畱詩不寫名西礪煩詢張靜
者年來著
易幾爻成

西余山 太平寰宇記在縣東十八里路史輿地志漢

文封東海王搖之子期視為顧余侯今昇山東有西
余山是也

孺山 太平御覽東遷縣有孺子山徐孺子入吳常登

之因以為名 吳興掌故在縣東二十八里漢徐孺子
哭友人姚元起於此山下有孺子祠

謹按晉書地理志太康八年分烏程
立東遷縣至隋開皇九年廢入烏程

戴山 吳興掌故在縣東北十八里譙郡戴顓遊此三

吳太守張邵素與之善為築室於此因名焉顏魯公

癸亭詩旁瞻戴顓路蓋指此山也 張羽遊戴山詩
國有高士寄志在

絲琴一聞王門名破琴絕其音傳昔居斯山井竈邈
難尋至今草木間清風肅虛襟子家依古跡經屋當
東林擇里得所安懷賢思難在浮屠巧眩世廟廊冠
其岑臺殿紛青紅僅足供登臨誰能構芳宇蘋藻薦
所欽相望孺子廟千古同此心徐貴登戴山詩平田
渺空曠孤岡忽高峙新松蔭其巔白石繚其趾初登
若嶄絕稍上乃如砥嚴風蕩高寒微月中宵起亭亭
日晷側肅肅征鴻駛南搖天日雲北覽具區水比來
局羈絆遊遨喜茲始同心不可重歡言得佳士非
惟外累遺沉憂亦咸委薄暮聊旋歸餘興會畱此

昇山 一名歐 太平寰宇記在縣東二十里入東記云

晉王羲之常昇此山顧謂賓客曰百年之後誰知王
逸少與諸卿遊此乎因有昇山之號歐餘漫錄歐餘
卽今之昇山楚封越王句踐之後為此亭侯子孫遂

為歐陽氏詳見文忠公行狀張羽遊昇山詩昇山橫道旁秀色佳有餘雖微

千仞岡層巒自縈紆右軍晉高士曾此眺郊墟若徑存遺蹟千載沒荒蕪想當登臨日俯仰凌八區放浪形骸外遊日多所娛惜無登高作儷彼蘭亭書我思見其人臨風一踟躕

別鮮山一名鳥山宏治湖州府志在縣東十三里孤秀不

相連屬因名焉爾雅曰小山別大山鮮郭璞注云不

相連也唐高士沈聘沈徵居之石柱記箋釋談志昇

山一名鳥山古鳥巾氏所居也今縣東八里有鳥山

一名別鮮山爾雅疏云不相連屬者山上有鳥亭舊

址即今鳥巾菴梁吳均同柳吳興鳥亭集送柳舍人

詩即此山非昇山也

毗山 吳興掌故在縣東北五里當城北水入太湖突

然獨峙吳興之水口也西吳里語山海經云浮玉之山北望其區東望諸毗郭璞

注云諸毗水名也續圖經云浮玉在西南毗山在東北與山海經協璞不知此山耳

小雷山 崇禎烏程縣志周處風土記云太湖中有大

雷小雷二山相距六十里舊編云小雷洞庭之東屬

烏程大雷洞庭之西屬長興

黃龍洞 輟耕錄在吳興郡北去城闔廿里枕太湖其

山皆怪石林立洞旁壁立千仞頰瞰不能見底每歲

旱郡民禱之黃山谷書黃龍洞三字刻猶存蘇軾黃龍洞所

晴詩吳興連月雨釜甑生魚蛙往問弁山龍曷不安厥家梯空上巉絕俯視驚一呀神井湧雲蓋陰崖乖

蘇花交流百道泉赴谷走羣蛇不知落何處隱隱如
縲車我來扣石戶飛鼠翻白鴉寄語洞中龍睡味豈
不佳雨師少弭節雷師亦停颺積水得返壑稻苗出
泥沙農夫免菜色龍亦飽豚豕看君擁黃紬高卧放
衙晚

碧浪湖 西吳里語一名峴山漾在郡城南羣山四匝

諸水滙聚嵐光林影掩映上下 徐賁泛碧浪湖詩邀客泛流槎開尊對渚

沙葶袍沾杏雨蘭棹撥蘋花積水添湖滿
遙山抱郭斜閒情遂幽賞聊用答年華

太湖 名勝志在府城外十八里界於烏程長興之間

其大三萬六千頃東西二百餘里南北一百二十里

周五百里西北極於宜常東北極於蘇湖大雷小雷

二山皆浮於湖之東方屬當郡境蓋浙西苕霅與臨

安廣德諸水散出凡七十二溪奔海不及則停蓄於

湖道三江以入海禹貢謂之震澤周禮謂之具區左

傳謂之笠澤其實一也太湖亦名五湖張勃吳錄云

周行五百里故曰五湖陸魯望云太湖上稟咸池五

車之氣故一水五名然太湖雖環遶江南數郡其以

之名州者則獨吳興為然 李顥太湖詩旋經義興境頓權石蘭渚震澤為何在

今惟太湖浦圓經縈五百盼日渺無覩高天森若岸
長津雜如縷窈窕尋彎碕迢遙望巒嶼驚颺揚飛湍

浮霄漾懸岨輕禽翔雲漢游鱗憇中許黯靄天時陰
曉峒舟航舞馮河安可狗靜觀戒行旅王昌齡過太

湖詩水宿烟雨寒洞庭霜落微月明移舟去夜靜夢
魂歸暗覺海風度蕭蕭聞雁飛楊基過太湖詩天帝

何年遣六丁鑿開混沌見雙清湖通南北澄冰鑑山
斷東西列畫屏掩雨龍歸霄漢暝網魚船過水雲腥

乘風欲往終吾老
舟里先生在洞庭

凡常湖 宏治湖州府志在縣西二十七里

合溪 嘉靖湖州府志水出懸脚嶺合白峴諸山之水

為榜店澗又出蒼雲嶺為梓方澗二水匯而為合溪

南經竹山潭又東經菴畫溪入長興西南門又東出

東門又東北經趙瀆入太湖

四安溪 嘉靖湖州府志水出石澗諸山南經盤澗塘

又南經善听塘與廣德水合又出廣德諸山東經荆

塘又東經塔水塘又東經善听塘與石澗水合二水

東過四安鎮大德橋又折而南出下殷橋入龍溪與

茗溪水合

黃浦 宏治湖州府志一名黃蘗澗在縣西南二十八

里其源出黃蘗山吳興記云春申君黃歇於吳墟西

南立菰城縣起青樓延十里後漢司隸校尉黃向於

此築陂溉田宋鮑昭有黃浦亭黃浦橋送別詩又名


庚浦即康浦也晉殷康為太守百姓避其名改康為

庚

掩浦 名勝志在城東北二十六里一名項浦秦始皇

東游會稽項梁與籍私往觀之籍曰彼可取而代也

青梁掩其口曰毋妄言族矣因以名其浦



青塘河 〔宏治湖州府志〕在烏程縣北三里迎禧門外

吳景帝鈕皇后父葬弁山令百姓開之以通葬所梁

太守柳惲重濬亦名柳塘又名法華塘自城入法華

山寺路也

蒲帆塘河 〔萬歷湖州府志〕在縣北二里唐刺史楊漢

公開時塘中得蒲帆故名

謝塘河 〔太平寰宇記〕在縣西四里晉太守謝安開

釣魚灣 〔宏治湖州府志〕在縣西三里古稱張志和釣

魚處

蘇灣 〔烏程縣志〕在縣南峴山寺前碧浪湖之西其堤

為蘇軾治郡時所築故名 〔張羽蘇灣詩〕羣山抱高城

橋橫雲木幽聞昔長帽翁曾來守茲州時清吏事簡

公暇輒出遊揚舲度南關振衣臨清流濟濟文翰侶

臨觴更獻酬賦詩屬篇章自是謫仙儔斯人沒已久

餘迹幸未休至今此處地名為蘇灣頭先生天下士

真氣如雲浮如何羣小人戚戚方見讐玉堂非吾榮

儻耳非吾憂肯將百鍊鋼化為繞指柔我來弔其魂

寒芳向長洲舉觴酌明月日暮風颼颼陳行健游蘇

灣詩選勝何年足青山帶水奢秋生雙槳外雨過片

雲斜翡翠澄湖鳥金燈野舫

花幾人能好事石畔泛流霞

官瀆 〔嘉靖湖州府志〕在縣西二十七里

夾山漾 〔宏治湖州府志〕在縣西南九里

大苞漾 〔宏治湖州府志〕俱在縣東北一十

五里

衡山漾 萬歷湖州府志在縣南七都

謝村漾 烏程縣志在縣東南三十里以謝靈運故宅

名

真珠泉 宏治湖州府志在烏程縣西南二十五里妙

喜寺東北方丈餘其泉清澈觀者以足震地則泉中

細泡連起如珠故名

虎跑泉 一掬泉 萬歷湖州府志俱在道場山

浮玉泉 嘉靖湖州府志在峴山

金井泉 萬歷湖州府志在黃龍洞山頂

上智潭 萬歷湖州府志在烏鎮旱不乾澇不溢舊常

有神龜出沒

歸安縣 城外山川

浮玉山 趙孟頫吳興山水清遠圖記在城南三里玉

湖中巨石如積坡陀磊砢葦葦焉不以水盈縮為

高卑故曰浮玉 徐貴游浮玉山詩浮玉山前路樓船

泊渚沙蘋香風際草杏色雨前花閒 鳥兼湖淨游絲趁岸斜不 因來此處那得賞春華

河口山 吳興掌故在縣東南五里初學記河口山東

濱大溪西帶長瀆

長超山 名勝志一名湖跌山 一作 在城東二十五里

上有漢薊子訓遺蹟

含山 名勝志在城東南九十里山上有含山寺及浮圖山墟名云震澤東望蒼然菱葦烟蔚之中高邱卓絕者此山也

獅子山 吳興掌故在縣西南一百五里首枕大溪岡隴盤踞如後視北屬武康

東林山 宏治湖州府志在縣東南五十四里突兀於菰蒲溪泊之中峯巖如繡又名具錦峯上有塔下有祇園焉吳興掌故宋沈東老隱此
顧應祥眺遠亭記去湖城南二舍許

有山曰東林世傳回仙顯蹟之所

謝家山 萬歷湖州府志在縣南五里

侯石山 萬歷湖州府志在縣南六里

厥山 吳興掌故在縣東南七十里吳均入東記云吳

文士陸厥家於此山

馬鞍山 歸安縣志在縣西南七十六里

桃花塢 歸安縣志在縣西南五十里

菱湖 唐書地理志縣東南三十五里有陵波塘寶曆

中刺史崔元亮開宏治湖州府志菱湖卽陵波塘也

其地產菱故名 趙金過菱湖詩去去餘不路遨遊一問津村孤船作市地絕水爲隣菱藕
官租足魚蝦野饌新衆山遙映帶相對碧嶙峋

小溪 宏治湖州府志卽施渚溪在縣西五十四里

思溪 嘉靖湖州府志在縣東南三十五里

練溪 歸安縣志在縣東南八十里溪流如練故名

花溪 萬歷湖州府志在縣東南七十里一名花城

寶溪 名勝志在城東南四十五里一名射村溪昔有

漁者見溪上有光伺之見一大蚌乘風而行光從中

出逐之即沉

長興縣

雉山 宏治湖州府志在縣北五里以山形類雉唐置

雉州因山名也萬歷湖州府志梁武帝時童謠云鳥

山出天子江表凡以鳥名山者咸鑿之惟雉山失鑿

望而陳武帝生

呂山 吳興掌故在縣東南二十里吳將呂蒙討山賊

嚴白虎屯營於此

鼓吹山 吳興掌故在縣西北二里陳文帝居鄉時縣

令到仰舉聞縣後鼓吹聲則帝必至因名

弘治湖州府志舊志

橫玉山 宏治湖州府志在縣西北三十五里望之蒼

碧如玉故名

香蘭山 宏治湖州府志在縣北三十五里東枕太湖

金多生蘭蕙



金蓮山

長興縣志在縣北一里

陽烏山

長興縣志在縣東七里陳武帝祖道巨墓在

此

戍山

萬歷湖州府志在縣西北二里吳築戍城其上

梁太守張曠與中丞沈峻築城捍侯景明元帥耿炳

文點軍於此俗因呼為點軍山

五峰山

名勝志在縣西一里

龍日山

吳興掌故上有石巖中有二穴其光可鑑所

謂龍目也過嶺為廣德州界

望山

萬歷湖州府志在縣西南六十八里形如覆舟

觸石有空洞聲

白峴山

長興縣志在縣西北八十里山多白石望之

如雲凝雪積上有南北二嶺

方山

吳興掌故在縣西南四十里高四千丈陳文帝

為信武將軍自長城遣二千人夜下方山津即此

鳳亭山

長興縣志在縣西北四十里

藝香山

太平寰宇記一名湖陵山在縣北十五里西

施種香之所

赭石山

萬歷湖州府志在縣西北五十里山多赭石

西登者若升絳霄

西顧山 太平寰宇記在縣北四十九里又名吳望山

闔閭登姑蘇臺望五湖西見此山故名

堯市山 吳興掌故在縣西北四十里吳興山墟名云

堯時洪水居民於此山作市皎然詩堯市人稀紫笋

多即此 楊維禎堯市山詩丹房夜宿庚桑洞古井重

詢堯市山聽猿老樹垂雲白飲馬清泉錦石
斑野婦採桑成隊出山童沽酒滿瓶還
顧渚橋頭有船賣尋詩直叩碧桃關

吳山 西吳里語在長興南四十三里梁吳均宅唐

吳筠又居之山下有溪名吳山灣昔吳王送女至此

有潮高三尺倒流七十里名吳王送女潮

浮雲山 長興縣志在縣西南六十里

八座山 吳興掌故在縣西南四十里唐吳璣吳頊吳

崧皮光業林升羅隱韓必何肅居此時號八友因名

九龍山 長興縣志在縣西南一百里

菖蒲山 舊浙江通志在縣西七十里胡一松隱居之

所

西安山 吳興掌故在縣西南八十三里

青峴山 吳興掌故在縣西六十里陸羽云啄木青峴

茶味與壽州同

金山 萬歷湖州府志在縣西四十里晉樓船將軍金

白曼倩居此石皆丹色

白鹿山 萬歷湖州府志 在縣西三十里又名巖山關

全閭時白鹿見故名 志 在縣西四十里晉謝靈運軍金

飛雲山 太平寰宇記 在縣西二十里山南有風穴雲

霧不得鬱積其間宋元徽五年置飛雲寺有石泉沙

澗渚松門苦竹巖 志 在縣西南八十五里

閩山 萬歷湖州府志 在縣西十五里山多竹有竹山

潭竹山寺 志 在縣西十五里山多竹有竹山

大腹山 萬歷湖州府志 在縣西十里一名伏虎山有

姚崇墓 志 在縣西十里

茶磨山 宏治湖州府志 在縣東南二十二里形類茶

磨故名

青山山 宏治湖州府志 在縣南六十里山墟名云山有

巖竇通洞庭冬夏常煖山色如黛故名 志 在縣南六十里

斫射山 吳興掌故 在顧渚山左 志 在縣南六十里

互通山 萬歷湖州府志 在縣西北七十里山甚高大

大有四十八隴有羅芥產茶甚珍之有二龍池二仙洞

顧渚山 志 在長興縣西產紫筍茶

西 萬歷湖州府志 山在縣西北四十七里西達宜興吳

夫槩顧其渚宜茶後其產果然乃充貢下有貢茶院

傍有金沙泉甚美山中有明月峽絕壁峭立大澗中



流其茶所生尤為異品

杜牧春日茶山呈賓客詩笙歌登畫船十日清明前山秀

白雲膩溪光紅粉鮮欲開未開花半陰半晴天誰知病太守猶得作茶仙

西噎山 崇禎長興縣志在縣西北六十二里以其澗

泉峻激有聲如噎故名

大官山 小官山 萬歷湖州府志在縣西北四十五

里顧渚之側其左右諸山或專藝茶或伐為薪炭此

二山林木深茂樵蘇不及大官頂有虎頭巖狀如呀

嘯下有石門可往來有張塢產茶為羅芥之次

南川山 萬歷湖州府志在縣西北五十里跨南北五

川

菹中山 吳興掌故在縣西北二十五里在忻湖之西

徐富山 萬歷湖州府志在縣西北二十里宋熙寧時

富民徐隆居此以富得名

義鄉山 吳興掌故在縣北六十里晉太守周玘舉義

兵平石水陳敏等賊割長興西鄉立義鄉縣於陽羨

以此得名

大雷山 石柱記箋釋洞庭之西山屬長興

弁山 萬歷湖州府志在縣東南四十里西北之半隸

長興東南之半隸烏程山陰多奇石玲瓏又產諸藥

品每土中掘得前代殘碑斷石又有似玉之石其勝

景莫如碧巖

葉夢得弁山詩山勢如冠弁相看四面同歸鳥縣門近茗雪水源通白鶴嶺盤

峻黃龍洞竅空登臨舒老眼何用到崆峒趙孟頫遊

弁山詩二首出郭聞鶯語穿林散馬蹄澗松何鬱鬱

春草又萋萋白石那堪煮丹崖尚可梯平生愛高典

只合此幽棲竹色迷行徑松聲洶座隅水清花自照

風煖鳥相呼飲罷思棋局歌殘缺

唾壺重來瀟洒地聊足慰須臾

小玲瓏山

縣志錄雪川有兩玲瓏山石林為大玲瓏

又有小玲瓏在長興縣界路口洞穴數十旁相通貫

巖積嵌巖巧怪萬狀

范成大自石林回過小玲瓏詩一邱乃中虛洞穴四無礙却畧

巖岫杳黝斜石狀怪蒼牛飲前池碧罅澗微瀨雕鏤

具百巧圖畫窮千態哀湍瀉壞磴凍雨濕空翠踈梅

照草棘瘦竹拔蹊隧當時問閻子目力在塵外孤童

藐難料奇事疑有待誰與千金捐來換把茅蓋不仙

亦足豪眾垤皆累塊我評北山游絕勝此無對玲瓏詎可小孰能為之大

烏瞻山

長興縣志在縣西三十里名勝志其地迥絕

五峯突出若羣鳥之瞻視於雲表又云昔烏子瞻避

難於此山有南北二菴絕頂為彈子岡相傳陳武帝

放彈處

夏駕山

嘉靖湖州府志在縣東南三十六里夏后杼

南巡至此故名上有石鼓高可丈餘又名石鼓山舊

傳此山鳴則三吳有兵

獨姥山

崇禎長興縣志在縣東五十里踞太湖之濱

一名別峰山

黃鴉岡

太平寰宇記在縣南六十五里

明月峽 吳興掌故與顧渚聯屬絕壁峭立於大澗中

流亂石飛走茶生其間者尤為絕品張文規所為明

月峽中茶始生是也

啄木嶺 吳興掌故在縣西北六十里山多啄木鳥

槍旗嶺 宏治湖州府志在縣東南三十里舟山上石

多槍旗所植之竅俗傳霸王屯戍之所嘉靖浙江通

志蘇子瞻云世謂茶之始生而嫩者為一槍寢大而

開者為一旗王介甫送元厚之詩云新茗齋中試一

旗是也此山舊亦產茶而嘉故曰槍旗

胭脂嶺 宏治湖州府志在縣西南六十里上槩村西

唐天師吳筠鍊丹之處至今土色如胭脂

蒼雲嶺 宏治湖州府志在縣西六十里林木秀蔚狀

如蒼雲合溪之源出焉

西湖 唐書地理志長興西湖壅塞貞元十三年刺史

于頔復之又呼于公塘

詳見水利

忻湖 崇禎長興縣志在縣北七里周二十里溪山清

勝菱芰之下鴛鴦交集可以游泳

菴畫溪 宏治湖州府志縣西八里廣二十五弓古木

夾岍叢篠翳其下朱藤施其上故名長興縣志一名

西溪 劉燾遊菴畫溪詩竹林深處杜鵑啼兩岸青青草色齊欲識人間真菴畫朱藤倒影入清溪

箬溪

太平寰宇記在縣南五十步一名顧渚口一名

趙瀆注於太湖箬溪者顧野王輿地記云夾溪悉生

箭箬南岬曰上箬北岬曰下箬皆村名村人取下箬

水釀酒醇美勝於雲陽俗稱箬下酒石柱記箋釋源

出合溪在畫溪下流至於箬寺會南溪諸水從新塘

入太湖

僧皎然箬溪春興詩春生箬溪水雨後漫流通芳草行無盡清源去不窮野烟迷急浦斜

日起微風數處承流望依稀似剡中

餘罌溪

宏治湖州府志在縣東南二十三里溪上有

餘罌村

合溪

萬歷湖州府志在縣西二十里

詳見烏程縣

環沉溪

崇禎長興縣志在縣東北二十五里相傳伍

子胥墮環於此

大蕩漾

長興縣志在縣東南四十里

陸滙

萬歷湖州府志在縣東五里陸龜蒙築別業於

此陸龜蒙自遣詩五年不到舊山村樹有交柯續有孫最愛弁山顏色好晚雲纔散便當門

太子滙

萬歷湖州府志在縣東六十里相傳吳太伯

所隱處

紫花澗

太平寰宇記在縣西北三十里兩岬芳蕪之

中出紫花長薄之下生珠藤至三月紫花滿澗一名

花瀨

陸龜蒙自遣詩花瀨濛濛紫氣昏水邊山曲更深村終須檢取幽棲處老樹成雙便作門

伏翼澗

萬歷湖州府志在縣西三十九里山墟名云

澗中多產伏翼有素翼赤腹千載倒掛者

餘漁浦

宏治湖州府志在縣東北四十二里周處風

俗記云諸漁浦一名餘吾浦即陽羨之東鄉也吳越

之間漁吾同音故然

蔡浦

萬歷湖州府志在縣東北四十五里達烏程小

梅

金灣

宏治湖州府志在縣西北四十里山墟名云金

潭金山金塘金渠悉漢樓船將軍金曼倩所居

白馬潭

崇禎長興縣志在縣西四十三里梁陳故事

云陳武帝時有白馬出見故名

五花潭

長興縣志在縣西北四十五里虎頭巖下大

旱不涸

竹山潭

宏治湖州府志在縣西北一十二里深不可

測有巨魚藏於巖竇之下浮如覆舟出必有大水

烏龍潭

萬歷湖州府志在方山頂上與弁山黃龍洞

相拒歲旱禱雨輒應

無胥淹

宏治湖州府志在縣嘉會鄉無胥村東相傳

伍子胥奔吳追者在後遇一婦浣紗問曰見子胥乎

婦曰無胥以此得名淹內有堆名郭轉堆

花渚在梅溪鎮吳越征西將軍吳瓌

所居

顧渚在縣西北三十里前見其源出顧

渚山至水口而東入太湖杜牧遊顧渚詩傍溪侵嶺多高樹誇酒詩旗有小樓

驚起鴛鴦無限意一雙飛去却回頭

小白瀨在縣東南三里一名曰靈湍

金沙泉輟耕錄湖州長興州金沙泉唐時用此水造

紫筍茶進貢泉不常出有司具牲牢祭之始得水事

正訖卽涸宋季屢加浚治泉迄不出至元十五年中書

省遣官致祭一夕水溢可溉田千畝遂賜名瑞應泉

玉寶泉在長興縣西南六十五里深

廣皆二尺色紺碧味甘唐處士鄭遨與道士李道殷

羅隱築屋泉口號三隱

德清縣

吳羗山在縣東南一里吳均云漢高

士吳羗避王莽之亂居此山後人名焉又宋沈麟士

居於此講經教授從學者數百人時爲之語曰吳羗

山中有賢士開門教授居城市後建祠於山陽

吳憾山在縣西南一里相傳吳夫差伐越

築壘於此唐李光弼偏將辛孜亦築城於此以平朱

覃姚廷等賊吳越王又築此屯戍號奉國城今隔溪名城南界首名奉國

市亭山

名勝志在縣南一里其下出陶器大者可容

三十石其名曰礪吳興掌故云一名舍亭山南史齊

王敬弘隱居吳興之舍亭山其孫秀之出守吳興到郡修葺舊山移置輜重卽此

望洛山

吳興掌故在縣南二十里入東記云永嘉中

洛人過江者升此山以望洛故名

丁山

萬歷湖州府志在縣南三里一山獨隆起

東卞山

萬歷湖州府志在縣東北三里一名百寮山

侯景圍臺城將軍沈恪以拒戰功封東興侯卽家焉

山腰有小石穴貯水清冽冬夏不竭名老鴉潭山之

東有五子石相傳有仙人常弄石於此

張羽登德清百寮山詩湖

鄉風景三秋後佛界軒窗四望開碧水翻從城裏過青山直到縣前來魚商酒市晴偏集釣艇蓮舟晚共回自古登高能作賦坐中誰是昔賢才

茅山

吳興掌故在縣東北十五里

葛山

舊浙江通志在縣東北十八里

敢三山

嘉靖湖州府志在縣東北二十里山有三峰

其中峰曰敢山其左曰龍山其右曰鳳山其下有敢

山漾

上蘭山 下蘭山 萬歷湖州府志在縣北五里許二

山相連山之陽夷坦唐天寶間常置臨溪縣

小山 舊浙江通志在縣西十八里界武康

金鷲山 吳興掌故在縣西五里漢述善侯沈戎葬其

下有金鷲飛集三鳴而去因名今山之陽三村名上

初鳴中初鳴下初鳴以表鷲異也

方山 萬歷湖州府志在縣西北十二里山形方正為

邑諸山之宗逆而上則為大壯嶺以南諸山順而下

則為官莊塢以北諸山羣峰環合百寮山居其中為

縣治又分而下則為上下蘭諸山云

金紫山 萬歷湖州府志在縣北十八里郡城丁氏葬

此山後贈金紫光祿因名

蠡山 宏治湖州府志在縣東北一十五里舊傳范蠡

之故居在焉

齊眉山 吳興掌故在縣東北三十五里入東記云後

漢青州刺史姚恢與海昏侯沈戎卜居柯田山恢女

是戎子婦密報戎戎先居之恢因囚女於此山山東

有漾亦名囚女漾今人改山名為齊眉山

德清山 一名鳥山 萬歷湖州府志在縣東四里昔鳥巾善

釀居此天寶六年以縣名改山為德清有兩峰前曰

東作湖江通志 卷十二
三

殿子峰後曰省山峰

果山 名勝志 在新市鎮之南宋淳祐間宰相游侶嘗

愛其山水及謝事遂占籍居焉侶蜀人也以蜀有果

山因壘石作山以擬之山前有桃源洞

赤土山 宏治湖州府志 在縣南二百步父老杞傳云

昔有望氣者謂此山有貴人氣遂鑿斷後圃今馬厄
河是也

餘不溪 萬歷湖州府志 在縣東 詳附郭 李宗諤圖經

云水清澈餘則不故名 倪瓚餘不溪詞餘不溪水涵

蕩槩不知遠兩岫桃花飛接人溪迴路轉松風急竹
林華房霞氣濕忽逢道士頤而長疑是韓國張子房

相期飄拂紫烟裏下攬滄溟浮玉觴錢鎮餘不前溪
詩茗水從南來真源自天目始出纔涓涓蛙跳雀可

浴東風桃花水一夜高於屋百里下吳興一汎更一
曲青山浮水面處處居可築草元伊誰亭名花間疎

竹自昔稱餘不
佳名豈虛辱

龜溪 名勝志 龜溪一名孔愉潭即餘不溪之中流也

學圃蕙蘇 孔愉少時嘗經行吳興餘不亭見人籠龜

於路買而放之餘不溪中龜中流左顧者數過及封

西此亭侯鑄印而印龜左顧鑄如初印師以聞愉悟

取而佩焉愉卒後龜啣巢木植於此至今號龜啣樹

溪名龜溪 雷青曰札孔愉放龜左顧遂作一鼎其文
曰孔敬康鼎沉之於水印今德清縣龜溪

大海漾 嘉靖湖州府志 在縣東十五里

茅溪漾 宏治湖州府志在縣東二十五里濶數百頃

山墟名云以貢茅得名南岬有蘭相如廟北岬有青

州刺史姚恢囚女城

西葑漾 萬歷湖州府志在縣東三十五里其水清澈

蠶時村民多取以纈絲蓮蒲雜生葦柳相映亦江鄉

一勝處也

蔣灣 宏治湖州府志在縣東南三里大溪之傍

荷葉浦 宏治湖州府志在縣東北二十五里

葛天民荷葉浦中詩急雨捎荷分外奇珠璣狼藉錦紛披下塘六月關心處西塞扁舟入手時却傍青蘆深處宿還思白石去年詩平生浩蕩烟波趣月淡風微只自知徐貴過荷葉浦詩粼粼水溶春淡淡烟銷午不見唱歌人

空來荷葉浦無處寄相思停舟采芳社

蜃潭 嘉靖湖州府志在縣東布政分司之前溪流至

是滙而為淵相傳蜃所潛也

仙潭 宏治湖州府志在縣東南新市鎮隋道士陸修

靜常自此潭沒數月乃出故名宋葛書思常監鎮有

仙潭雜咏刻石在墨妙亭

半月泉 名勝志在縣東北三里石壁山下晉咸和間

梵僧名曇者過其地指山石曰是有泉乃卓菴其

處鑿石罅如半月果得泉清涼甘美名曰靈泉後名

半月泉 呂祖謙修半月泉疏斷岬吐月纔出半規古甃涵星尚懷全璧久矣寶奩之廢時哉玉斧

之修護此寒清祓其氛翳名高詩社再傳和仲之符
價重帝城復植文饒之運蘇軾遊半月泉詩請得一
日假來遊半月泉何人
施大手劈破水中天

瀑布泉

嘉靖湖州府志在縣東越山僧院

武康縣

雲岫山

萬曆湖州府志在縣東十里有烟霞洞林麓

之勝號稱洞天

獅子山

武康縣志在縣東北五里

互見歸安縣

封山

吳興掌故在縣東十八里防風氏所封之地又

名風渚山吳康侯封山記唐天寶六年更名防風山

禺山

嘉靖湖州府志在縣東南三十里防風氏所都

也一云夏帝禹常南巡狩至此

太平寰宇記仲尼曰汪芒氏之君守封禺

之山言防風治此一山也

計籌山

吳興掌故在縣東南三十五里越大夫計然

於此籌國計其中有巖幽窅而夷曠曰白石洞天

戴表

元昇元觀記計籌山當餘英之東南越大夫計然常登此山籌度面勢以營隱居久之道成仙去

宏

治湖州府志其地與臨安縣分界俗謂之界頭山蓋

計界籌頭聲相類也

黃石翁計籌山中寄句曲山人詩松花落粉啼子規山人燕坐

春書遲石泉豈非大韶樂日色猶是鴻荒時筠籟竹杖烟中語青紙丹書林下詩應謝錢唐舊知識白雲

獨往無還期

銅官山

嘉靖浙江通志在縣西北二十五里唐名武

康山昔吳王濞採銅於此山下有二坎號銅井餘英溪之水出焉旁有石燕洞其燕亦視春秋分為隱見與巢燕相同

鳳珠山 [宏治湖州府志] 在縣北五里按餘英志云其山有三一在縣北首枕郭林溪為鳳珠一在縣東北懷德里為鳳翅一在縣東南千佛寺側為鳳尾

金山 [嘉靖湖州府志] 在縣南三十里舊傳有人掘地得金故名其土色赤其上有泉產金魚

石城山 [名勝志] 在縣西南三里赤眉之亂邑人壘石禦守因以名山

覆舟山 [萬歷湖州府志] 在縣西南二十五里有巨石橫亘如覆舟狀山有馬頭塢晉咸和七年石勒將韓雍寇吳興詔遣西中郎將趙引攻之於馬頭塢即此

箬峴山 [武康縣志] 在縣西南二十七里俗呼箬嶺

銀山 [萬歷湖州府志] 在縣西五里又名永安山吳名縣為永安以此

白鶴山 [吳興掌故] 在縣西北十里高六十五丈一名鵲山

招賢山 [萬歷湖州府志] 在縣西北七里郭文隱居之地

響應山 名勝志在縣西八里其上有大響巖小響巖

人經此山者隨語應聲山下有龍湫曰碧玉潭唐于

頤宋葛勝仲皆有題刻有定光院在巖腹中小池上

有濯纓亭又有一壑軒後沿石磴抵谷中有斷崖瀑

布二十餘丈

場山 宏治湖州府志在縣西二十七里山墟名云昔

有場氏居此山

石嶠山 吳興掌故在縣西南七里山頂有石嶠長丈

餘下有石嶠村

獨孤山 吳興掌故在縣西北七里世傳唐獨孤及宰

是邑作亭其上故名

計峴山 武康縣志在縣西北二十五里計然嘗居此

故名

大泉山 太平寰宇記在縣西北三十五里山上有長

流泉傍多沃壤可耕又名唐鎚山

莫干山 嘉靖湖州府志在縣西北二十七里舊傳吳

王鑄劍之地 詳見烏程縣

石山 萬歷湖州府志在縣北二十里舊有沈道虔石

山精舍

銅峴山 武康縣志在縣西北五十里餘英溪發源於

此詳見安
吉州

沈璧山吳興掌故在縣東北十五里山有九峰逶迤

相接沈氏自東陽徙居於此

仙臺山萬歷湖州府志在縣東北十八里即黃隴山

黃初平煉丹之所有羊沒塢初平嘗牧羊羊傷其草

木乃叱之羊遂化為石

謹按列仙傳初平叱石成羊事在金華羊沒塢云云恐非實也但紀載相沿錄之存疑可耳

獨蒼山萬歷湖州府志在縣東三十里舊傳為縣主

山來自鄣南天目之脉山下今亦成鎮昔郡設永寧

倉歲有水患有異人指此山土取築之可免果如其

言西吳里語山與烏程下山俱為吳興主山故稱蒼下

烟霞塢名勝志在縣東七里唐劉顥士秀叔別業中

有龜巖巖前瀑泉聲激如雷谷口梅花綿亘數里有

橋亭名曰挂雲

風渚湖萬歷湖州府志在縣東南一十七里一名巽

渚一名封渚一名九里湖一名下渚湖餘英志云防

風氏在封禺兩山之間故名毛滂下渚湖詩春渚連天濶春風夾岸香飛花

渡水急垂柳向人長遠岫分蒼翠微波映渺茫此身萍梗爾泊處即為鄉

前溪晏公類要在縣南一百步晉車騎將軍沈充家

於此樂府有前溪曲充之所製詳附郭山川

餘英溪 宏治湖州府志在縣西一十三里即前溪上

流沈約宗族所居之旁也 詳附郭山川

封溪 宏治湖州府志在縣東一百步源出於前溪瀦

為風渚湖古所謂風渚也

阜溪 嘉靖湖州府志在縣北七里自三橋埠東流二

里會於沙溪

雙溪 武康縣志在縣西北四十五里發源銅峴山流

入餘不溪

阮公溪 晏公類要在縣西一十七里梁陳故事云石

英寶會稽人寓武康生女有殊色天監元年選為采

女生元帝為修容賜姓阮氏拜其父為奉朝請因以

名溪

新溪 萬歷湖州府志在縣東三里宋淳熙二年縣令

蔡霖自汶溪口徙水道東北注五里合長安溪以通

舟楫民號蔡公溪

詳見水利

明月汀 宏治湖州府志在縣庠門外大溪之南

仙人渚 太平寰宇記在縣西四十里昔沈羲得道之

所有石梯見存

碧玉潭 萬歷湖州府志在縣西一十里響應山下舊

名響潭

毛滂碧玉潭詩水面平鋪映碧空夜深明月照龍宮猿啼未響潭先響一樹花開兩樹紅

石井 宏治湖州府志在縣石脇山井在山巖中天欲
雨時井出雲氣

銅井 宏治湖州府志在縣銅官山之麓昔人引藤蔓
為綆探之莫窮其底旁有石燕洞

錢王飲馬井 萬歷湖州府志在縣北一十五里相傳
吳越王微時飲馬坎中水泉迸出故名

安吉州


天目山 嘉靖安吉州志在州西南一百五里 詳見臨
安於潛

霧山 吳興掌故在州南十五里山多雲霧故名 寇準
過霧山詩青燈樓殿枕寒溪門外天垂斗柄低啼鳥不知
春向背落花依舊水東西半橋霜月光相照一帶松
烟色未齊誰料百年榛
莽地香雲今日繞輪蹄

石虎山 嘉靖湖州府志在州南十五里其上有石狀
如虎道孝豐者徑焉

梅溪山 續齊諧記吳興故鄣縣東三十里有梅溪山
山根直豎一石高百餘丈青而圓如兩間屋大四面
陡絕仰之干雲其上復有盤石圓如車蓋恒轉如磨
聲若風雨土人號為石磨轉快則年豐轉遲則歲歉
驗之無失

石門山 吳興掌故在州西四十里梅溪之西梁吳均
居此 吳均與顧章書梅溪之西有石門山森壁爭霞
孤峰限日幽岫含雲深溪蓄翠蟬鳴鶴唳水響



猿啼英英相雜綿綿成韻既素重幽居遂葺宇其上
幸富菊花偏饒竹實山谷所資於斯已辦仁智所樂
豈徒語哉嘉靖安吉州志石門山生石耳

銅峴山 嘉靖安吉州志去州東三十里漢書云吳王

濞即豫章銅山招致亡命以鑄錢括地志云吳採鄣

山之銅即此地也 互見鳥程武康

天井山 萬歷湖州府志在州南五十里山半有潭深

峻泉水傾瀉四時不竭

鳳凰山 名勝志在州東三十里中有隱塢云陶宏景

居之

仙人洞山 萬歷湖州府志在州南四十里洞深三十

二丈

青山 吳興掌故在州南三十五里 吳均與施從事書故鄣縣東三十五

里有青山絕壁千天孤峰入漢歸飛之鳥千翼競來
企水之猿百臂相接秋露為霜春蘿被徑信足蕩累
頤物娛衷散賞吳均青山詩家住青山下
時向青山上青山不可上一上一惆悵

廩山 嘉靖湖州府志在州西北二十五里一名郎閣

山舊傳長沙桓王攻劉繇盡得郎閣糧穀即此

落石山 宏治湖州府志在州西三里唐李衛公廟中

有隕石土人皆稱石大王故為此名

玉磬山 吳興掌故在州東北十五里又名崑山吳興

地記云安吉有崑山攷之梁僧曇諦卓錫於安吉東

北十五里得一璞扣之有磬聲因名玉磬山又以玉出崑名崑山

東晉山 萬歷湖州府志在州東北二里東晉欲立城郭於此因名卽今青峴山

郭公山 吳興掌故在州西北一十里晉郭文居此山偶見一虎張口向文若求救者文視其喉中有橫骨探去之後虎啣鹿以報云

九龍山 名勝志在州西北三十里山有九隴其狀如龍上有石城一名石榔山

浮雲山 安吉州志在州東北四十里嘉靖浙江通志上有七十二整鬣翹如雲久旱出雲則雨

純孝嶺 吳興掌故在州東北三十里黃巢之亂民石昂負母避此

五湖 宏治湖州府志在州東南七里曰五龍湖在西南三里曰姚湖在南九里曰獲湖在北二里曰西畝湖在東二里曰四龍湖四龍者吳越武肅王以望氣者言山有王氣使人鑿之忽有四鵲飛起烟雲滃然化爲四龍因名

楊子湖 萬歷湖州府志在州北二千里吳興記曰楊子湖出丹陽湖下會邸閣水分流合於苕溪

玉帶橋西吳里語在安吉銅山鄉許夫人墓前早晚兩潮高尺許

魏塘宏治湖州府志在州北五十里旁有浮玉山所謂黑石玲瓏清泉浸之者也五代時吳瑱將軍隱於此

梅溪嘉靖安吉州志在州北三十里溪上嘗有紫梅

盛開故名一名紫梅溪凌孟傳所謂紫梅溪下水平橋即此

蒙泉安吉州志在上方寺其味甘或垢之即竭必淘濯始復流

天目山萬歷湖州府志在縣西南六十五里與杭府

古接界高三萬六千丈周回八百里詳見臨安於潛天目山志

天目有三峰東峰從臨安入西峰從孝豐入有十二龍潭六屬孝豐六屬於潛吳興掌故天目東峰從臨安入疎豁可行西峰從孝

豐入深僻不易

八貢山吳興掌故在縣南二十五里磅礪鎮靜為四

山具瞻山有尖峰縣治學宮皆面之

虎山吳興掌故在縣北三十里安吉州境險峻不可

越成化間縣丞許芳鑿山通道以便往來

浮玉山名勝志在縣東南十五里山海經云勾餘山

水三百里曰浮玉茗水出於其陰注於具區都穆遊道

場山記吳興有兩浮玉其一在孝豐東南十五里名

大浮玉郡城南碧浪湖者小浮玉也

佛子山宏治湖州府志在縣西南七十五里太平鄉

亦名佛嶺吳興記云山有石室中有小石莊巖不倚

儼然如佛故名

古浮山宏治湖州府志在縣東南一十五里浮玉鄉

天與浮玉山相接山有古浮石洞普慈寺宋郡守葛勝

仲詩略云路出古浮山木杪飛華屋即此處也

師高山萬歷湖州府志在縣北五十里勢接天目山

中積雪炎月不消

金石山名勝志在縣西南三十里高一萬八千丈周

三百里其石色黃土色赤又十里為巖龍洞巖高百

丈中有洞莫測其深上有飛瀑懸巖而下

鳳凰山吳興掌故在縣東五里

東山吳興掌故在鳳凰山之北峭拔南來峙縣之左

山上有竹塢泉四時不竭

廣蒼山萬歷湖州府志在縣南三十里天目之陰茗

水所發源

大溪山 吳興掌故在縣南三十五里高八百五十丈

周四十五里

南嶼山 嘉靖浙江通志一名泉石山又名白水山高

三百六十丈上有湖有蘭畹

五山 嘉靖湖州府志在縣東北五里一名奕山舊傳

姚紵於此樵採見二人對奕因以名山

董嶺水 嘉靖安吉州志在太平鄉去縣西七十里嶺

上有源分東西東流者入寧國西流者由松坑西嶼

入下洛溪 周朴董嶺水詩湖州安吉縣門與白雲齊

水月光低中有高人沙中曳杖藜

橫溪 石柱記箋釋在縣東北當即茗水太平寰宇記

所謂茗水在安吉縣治西南七十五里者此也

謹按孝豐設於明成化二十三年割安吉縣之九鄉長興縣之三鄉隸之故寰宇記繫之安吉縣

景溪 萬歷湖州府志在縣西南二十五里廣茗鄉上

接深溪

下洛溪 陳安溪 五山溪 萬歷湖州府志俱縣東

北

仙溪 宏治湖州府志在縣西南七十里太平鄉銅坑



其源發自佛子山水甚清淺不生魚蝦因以仙名至

西嶼溪始通舟筏直抵下洛溪合於茗溪

荻浦 孝豐縣志在縣西南三十里其源出自天目

蛟龍池 宏治湖州府志在孝豐縣天目山東南有瀑

布下注數里



勅修浙江通志卷十二 天目山

